

唐
音
統
籤

丁籤七十五張籍之五

唐音統籤卷十三百四

五言律詩三

使回留別襄陽李司空

江亭寒日晚絃管有離聲從此一筵別獨為千里
行遲戀恩德役限公程回首吟新句霜雲滿
楚城

留別江陵王少府

迢迢山上路病客獨行遲况此分襟日當君失意
時寒林路遠驛晚燒獵一作荒陂別後空回首相

逢未有期

裴國別友

曉色荒城下相看秋草時
獨遊無定計不欲道來
期別處去家遠愁中驅馬遲
歸人渡烟水遙映野
棠枝

春日留別

道人欲別離半醉對花枝
看著春又晚莫輕年少
時臨行記分處回首是相思
各向天涯去重來未
有期

送嚴大夫之桂州

旌旆過湘潭幽奇得徧探
莎城百越北行路九疑

南有地多生桂無時不養蠶聽歌難辨曲風俗自
相諧

送人任濟陰

黃綬在腰下知君非旅行將書報舊里留褐與諸
生贈別盡沽酒惜歡多出城春風濟水上候吏聽
車聲

送李評事遊越

未習風塵事初為吳越遊露沾湖草濕一作日照
海山秋梅市門何在蘭亭水尚流西陵待潮處知
汝不勝愁

送韋評事歸華陰

三峯西面住出見世人稀
老大誰相識恹惶又獨歸
掃窓秋菊落開窗夜蛾飛
若訪雲中伴還應著褐衣

送李騎曹靈州歸觀

翻々出上京幾日到邊城
漸覺風沙起還將弓箭行
席箕侵路暗野馬驚人驚
軍府知歸慶應教數騎迎

送朱慶餘及第歸越

東南歸路遠幾日到鄉中
有寺山皆遍無家水不

道湖聲蓮葉兩野氣稻花一作苗風州縣知名久爭

邀與客同

送鄭秀才歸寧

桂襪綵為衣行當令節歸夜潮迷浦遠盡兩見人
稀郢艾到時熟江鷗泊處飛離琴一奏罷山雨霽
餘暉

送載從玄往蘓州

楊柳閣門路悠々水岸斜乘舟向山寺著屐到漁
家夜月紅柑樹秋風白藕花江天詩景好迴日莫
令賒

送友生遊峽中

臥靜楊柳垂看花又別離幾年同在此今日各驅
馳峽裏聞猿叫山頭見月時殷勤一盃酒珍重歲
寒姿

送友人歸山

出山成白骨重去結茅廬移石修廢井掃金盛攜
書開田留杏樹分洞與僧居長在幽峰裏樵人見
亦疎

送遠客

南原相送處秋水草還生

一作秋
草水還生

同作憶鄉客如

今分路行因誰寄歸信漸遠問前程明日重陽節
無人上古城

送安西將

萬里海西路茫茫邊草秋計程沙塞口望伴驛峰
頭雪暗非時宿沙漠獨去愁塞鄉人易老莫住近
番州

送防秋將

白首征西將猶能射戟支元戎還部曲軍吏換旌
旗逐虜招降遠開邊舊壘移重收隴外地應似漢
家時

送邊使

揚旌過隴頭隴水向西流塞路依山遠戍城逢雨
秋寒沙陰漫、疲馬去悠悠、為問征行將誰封定
遠戍

送越客

見說孤帆去東南到會稽春雲剡溪口殘月鏡湖
西水鶴沙邊立山題竹裏啼謝家曾住處烟洞入
應迷

送南客

行路兩脩、青山盡海頭天涯人去遠嶺北水空

流夜市連銅柱巢居屬象州來時舊相識誰向日
南遊

送蠻客

借問炎州客天南幾日行江連惡谿路山遠夜郎
城柳葉瘴雲濕桂叢蠻鳥聲知君却迴日記得海
花名

送海客歸舊島

海上去應遠蠻家雲島孤竹船來桂府山市賣魚
鬚入國自獻寶逢人多贈珠却歸春洞口斬象祭
天吳

送南遷客

去々遠遷客瘴中衰病身青山無限路白首不歸
人海國戰騎象蠻州市用銀一家分幾處誰見日
南春

送流人

獨向長安北黃雲暗塞天流名屬邊將舊業作公
田擁雪添軍壘收冰當井泉知君住應老須記別
鄉年

送新羅使

萬里為朝使離家今幾年應知舊行路却上遠歸

船夜泊避蛟窟朝炊求島泉悠々到鄉國還望海
西天

送閑師歸江南

徧往江南寺隨緣到上京多生脩律業外學得詩
名講殿徧追入齋家別請行青楓鄉路遠幾日盡
歸程

送安法師

出郭見落日別君臨古津遠程無野寺宿處問何
人原色不分路錫聲遙隔塵山陰到家節猶及蕙
蘭春

送僧遊五臺兼謁李司空

遠去見斐節因行上五臺
化樓侵曉出雪路向春
開邊寺連峰去胡兒聽法來
定知巡禮後解夏始
應迴

送闕僧

幾夏京城住今朝獨遠歸
修行四分律護淨七條
衣鉢寺黃橙熟沙田紫芋肥
九龍潭上路同去客
應稀

送徐先生歸蜀

日暮遠歸處雲間仙觀鐘
唯持青玉牒獨立碧巖

峰陰洞長收乳寒潭舊餐龍幾時因賣藥得向海
邊逢

送宮人入道

舊寵昭陽裏尋仙此最稀名初出宮籍身未稱霞
衣已別歌舞貴長隨鸞鶴飛中官看入洞駕玉
輪歸

莊陵挽歌詞三首

白日已昭々干戈亦漸消迎師親問道從諫早臨
朝倭倖威雄薄忠良寵錫饒丘陵今一變無復白
雲謚

觀風欲巡洛習戰且開池始改三年政旋聞七月
期陵分內外使官具吉凶儀渭北新園路蕭第遠
更悲

曉日龍車動秋風闐闐開行帷六宮出執紼萬方
來慘々郊原暮遲々挽唱哀空山烟雨夕新栢遠
陵塋

哭山中友人

入雲遙便哭山友隔今生遶墓招魂魄鑄巖記姓
名犬因無主善鸛為見人鳴長說能尸解多應別
路行

水

蕩漾空沙際
虛明入遠天
秋光照不極
鳥色去無邊
勢引長雲濶
波輕片雪連
汀洲香難測
萬古覆蒼烟

聽夜泉

細泉深處落
夜久漸聞聲
獨起出門聽
欲尋常澗
行還疑隔林
遠復畏有風
生月下長來
此無人亦
到明

古苑杏花

廢苑杏花在
行人愁到時
獨開新塹底
半露舊燒

枝晚色連荒轍低陰覆折碑
茫茫古陵下春盡又誰知

古樹

古樹枝柯少枯來復幾春
露根堪繫馬空腹定藏人
蠹節莓苔老燒痕霹靂新
若當江浦上行客祭為神

和裴司空以詩請刑部白侍郎雙鶴

皎々仙山鶴遠留閑宅中
徘徊幽榭月嘹唳小亭
風丞相西園好池塘夜水通
從君求置此賞望與賓同

別鶴

雙鶴出雲谿分飛各自迷
空巢在松頂折羽落紅泥
尋水終不飲逢林亦未栖
別離應易老萬里西
淒淒

和周贇善聞子規

秦城啼楚鳥遠思更紛々
況是街西夜偏當雨裏
聞應投最高樹似隔數重雲
此處誰能聽遙知獨
有君

贈太常王建藤杖筇鞋

蠻藤剪為杖楚筇結成鞋
稱與詩人用堪隨禮寺

齊尋花入幽徑步月下寒堦以此持相贈君應慙
素懷

答僧拄杖

靈藤為拄杖白淨色如銀得自高僧手將扶病客
身春遊不騎馬夜會亦呈人持此歸山去溪宜戴
角巾

五言排律

新成甲仗樓

謝守起新樓西臨城上頭圖功百尺麗藏器五兵

修結構榱甍固虛明戶檻幽魚龍卷旗幟雪霜積
戈矛暑雨燄蒸隔涼風宴位留地高形遠出一作出沒
山靜氣清優睥睨斜光徹欄干宿靄浮芋_上稊稻
色脉_上苑谿流麗化黃丞相詩成沈隱侯居茲良
得意殊勝峴山遊

酬李僕射晚春見示

戟戶初晨鶯聲雨後頻虛庭清氣在衆藥濕光
新魚動芳池面苔侵老竹身教鋪嘗酒處自問撰
花人獨此長多病幽居欲過春今朝聽高韻忽覺
離埃塵

和李僕射西園

過午歸閒處西亭敞四簷高眠著琴枕散帙檢書
籤印在休通客山晴好捲簾竹涼蠅少到藤暗蝶
爭潛晚鵲頻驚喜疎蟬不許粘石苔生紫點欄藥
吐紅尖虛坐詩情遠幽撰道士兼所營常勝地雖
儉復誰嫌

和李僕射雨中寄盧巖二給事

郊原飛雨至城闕濕雲埋
迸點時穿牖浮漚欲上
墻偏滋解箨竹併灑落花槐
晚潤生琴匣新涼滿
藥齋從容朝務退放曠
掖曹垂盡日無來客閑吟

感所懷

和令狐尚書平泉東莊近屬李僕射因寄十
韻

平地有清泉伊南古寺邊
漲池閑逸屋流野徧澆
田舊隱雖多日新隣得幾年
撰幽皆一絕選勝又
雙金門靜山光別園溪竹影連
斜分採藥徑直過
釣魚船雖大還應識雲霞
頓覺鮮追思應不遠賞
愛諒難偏此處堪長往
遊人早共傳各當思寄重
歸卧恐無緣

和盧常侍寄華山隱者鄭氏

獨住三峰下年溪學煉丹一間松葉屋數片石花
冠酒待山中飲琴將洞裏彈開門移遠竹剪草出
幽蘭荒壁通泉架晴崖曉藥壇寄知騎省客長向
白雲看

贈殷山人

鬱々山中客知名四十年
恓惶身獨隱寂寞性應
便世業公侯籍生涯黍稷田
藤懸讀書帳竹繫網
魚船已種千頭橘新開數脉泉
閑遊攜酒遠幽語
向僧偏入洞題松過看花選石眠
遊喧長汨沒逢
勝即留連自古多高跡如君少比肩
耕耘既一作

此辛苦章句已流傳昔日交遊盛當時省閣賢同

袍還共弊連轡每推先講序居重席群儒願執鞭

滿堂虛左待衆目望喬遷才異時難用情高道自

全畏人顏慘淡疎物勢迤邐達者聞知命吾生復

禮玄溪藏報恩劍久緝養生篇憔悴衆人笑經過

一作天

郡守憐少陽悲病鶴霜氣動飢鷗處士誰能薦窮

途世所捐伯鸞甘寄食元淑苦無錢策蹇秋塵裏

吟詩黃業前故來餘白頤廢瑟斷朱絃志氣終猶

在逍遙任自然家貧念婚嫁身老戀雲烟放逸棲

岩鹿清虛飲露蟬鄭逃秦谷口嚴愛越谿遷霄漢

予猶阻榮枯子不牽山城一相遇感激意難宣

送鄭尚書出鎮南海

各用來字
詳韓愈集

遠鎮承新命王程不假催班行爭路送恩賜併時
來牙旆從城展兵符到府開蠻聲喧夜市海色浸
一作朝臺畫角天遶月寒閨巖上梅共知公望重
多是隔年迴

徐州試反舌無聲

夏木多好鳥偏知反舌名林幽仍共宿時過即無
聲竹外天空晚谿頭雨自晴居人疑寂寞深院蓋
淒清入霧暗相失常風閑易驚來年上林苑知爾

最先鳴

省試行不由徑

田裏有微徑賢人不復行孰知求捷步又恐異端
成從易衆所欲安邪惠久生誰能違大道共此竟
前程子羽有遺跡孔門傳舊聲今逢大君子士節
自光明

夏日可畏

類詩作
丘爲

赫_上溫風扇炎_上夏日徂火威馳迥野畏景鏗遙
途勢矯翔陽翰功分造化壺禁城千品燭黃道一
輪孤落照頻空簾餘暉卷夕梧如何倦遊子中路

獨踟躕

罔象得玄珠

赤水今何處遺珠已渺然
離婁徒肆目罔象乃通玄
皎潔因成性圓明不在泉
暗中看夜色塵外照情田
無脛真難掬懷疑寶易遷
今朝搜擇得應免

媚晴川

丁籤七十五張籍之六

唐音統籤卷

三百四十一

七言律詩一

寒食內宴二首

朝光瑞氣滿宮樓
綵纛魚龍四面稠
廊下御厨分冷食
殿前香騎逐飛球
千官盡醉猶教坐
百戲皆呈未放休
共喜拜恩侵夜出
金吾不敢問行由
城闕沈沈向曉寒
恩當冷節賜餘歡
瑞烟淡處開三殿
香雨微時百官寶樹樓
前分綉幙綵花廊
下暎華欄宮筵戲樂年
別已得三迴對御看

朝日勅賜櫻桃

仙果人間都未有今朝忽見下天門捧盤小吏初
宣勅當殿群臣共拜恩日色遙分廊下坐露香才
出禁中國每年重此長先熟願得千春奉至尊

拜豐陵

順宗陵書留守田

紀事云藉此詩及今秋尚
司堂入廟送源使召李僕

謝裴相公詩
皆善于叙事

歲朝園寢遣公卿學省班中亦攝行身逐陵官齊
再拜手持木鐸叩三聲寒更報點來山殿曉炬分
行照栢城却下龍門看漸遠金峰高處日微明

書懷

一作書應物寄嚴居士未加詳是

自小習成跡頓性人間事。總無功別從仙客求

方法時到僧家問苦空老大登朝如夢裏貧窮作
活似村中未能即便休官去慚愧南山採藥翁

題韋郎中新亭

起得幽亭景最新碧莎地上更無塵琴書著盡猶
嫌少松竹栽多不稱貧藥酒飲開則好客朝衣暫
脫見閑身成名同日官連署此處經過有幾人

五六

一聯對亭
得甚實之

和裴司空酬蒲楊少尹

聖朝偏重大司空人詠元和第一功擁節高臨褒
水上題詩遠入舜城中共驚向老多年別更憶登

科得日同誰不望歸丞相府江邊楊柳又秋風

酬杭州白使君魚寄浙東元大夫

相印暫離臨遠鎮掖垣出守復同時一行已作三年別兩處空傳七字詩越地江山應共見秦天風月不相知人間聚散真難料莫嘆平生信所之

酬秘書王丞見寄

相看頭白來城闕却憶漳谿舊往還今體詩中偏出格常參官裏每同班街西借宅多臨水馬上逢人亦說山芸閣水曹雖最冷與君長喜得身閑

新除水曹郎荅白舍人見寄

年過五十到南宮章句無名荷至公黃紙開呈相
府後來衣引入謝班中諸曹縱許為仙侶群吏多
嫌是老翁最幸紫薇郎見愛獨稱官與古人同
以何遜此
之故云

移居靖安坊答元八郎中見寄

長安寺裡多時住難守卑官不厭賁作活每長嫌
費力移居祇是貴容身初開井淺偏宜樹漸覺街
閑省踏塵更喜往還相去近門前減却送書人

田司空入朝

西來將相位魚雄不與諸軍覲禮同早變山東知

順命新收濟上立殊功
朝官叙謁趨門外恩使宣
迎滿路中閣闔曉來銅漏靜
身常受冊大明宮

喜王起侍郎放牒

東風時節近清明
車馬爭來滿禁城
二十八人初

上牒

一作牒

百千萬里盡傳名
誰家不借花園看
在

處多將酒器行
共賀春司能鑒識
今年定合有公

卿

李肇國史補云曲江大會迎來潮上多靡過大

會先牒教坊請奏勅下後人置皮袋側以圖章

酒器錢絹寔其中逢花即飲改張籍詩云無人

惜花園宿到處皆携酒器行其皮袋狀元解事同

送

牛空公歸家率以是日揀選東牀車馬閑望莫可

賀秘書王丞南郊攝將軍

正初天子親郊禮詔攝將軍領衛兵斜帶銀刀入
黃道先隨玉輅到青城壇邊不在千官位仗外唯
聞再拜聲共喜與君逢此日病中無計得隨行

贈閻少保

辭榮戀闕未還鄉修養年多氣力強半俸歸燒伏
火藥全家解說養生方特承恩詔新開戟每見公
卿不下牀竹樹清溪院靜長懸石磬在虛廊

贈孔尚書

能將直道歷榮班事著元和寶錄間三表自陳辭

北闕一家相送入南山買來侍女教人嫁賜得朝
衣在篋閑宅近青山高靜處時歸林下暫開闕

同將作韋二少監贈水部李郎中

舊年同是北曹郎各罷魚符自楚鄉重著青衫承
詔命齊趨紫殿異班行別來同說經過事老去相
傳補養方憶得當時亦連步如今獨在讀書堂

贈商州王使君

銜命南來會郡堂却思朝裏接班行才雄猶是山
城守道薄初爲水部郎選勝長留開客館尋幽更
引到僧房明朝從此辭君去獨出商閭路漸長

贈李杭州

仙郎白首未歸朝，應為蒼生領六條。
惠化州人盡清淨，高情野鶴共逍遙。
竹間虛館無朝訟，山畔青田長夏苗。
終日政聲長獨坐，開門唯望浙江潮。

贈令狐博士

頭白新年六十餘，近間生計轉空虛。
久為博士誰人識，自到長安賃舍居。
騎馬出隨遊寺客，呼兒散馬乞錢書。
古來賢哲皆如此，應是才高與衆疎。

贈王侍御

心同野鶴興塵遠，詩似冰壺見底清。
府縣同趨昨

日事升沉不改故人情上陽春晚蕭蕭雨洛水寒
來夜半聲自嘆獨為折腰吏可憐驄馬路傍行

贈趙將軍

當年膽略已縱橫每見妖星氣不平身貴早登龍
尾道功高自破鹿頭城尋常得對論邊事委曲承
恩掌內兵會取安西將報國凌烟閣上大書名

逢王建有贈

年狀皆齊初有髭鵲山漳水每追隨使君座下朝
聽易處士庭中夜會詩新作句成相借問閑求義
盡共尋思經今三十餘年事却說還同昨日時

贈王秘書

不曾浪出謁公侯，唯向花間水畔遊。
每着新衣看藥竈，多收古器在書樓。
一作宮有田祇作山人老，平地能開洞穴幽。
自領閑司了無事，得來君處喜相留。

贈王秘書

早在山中身價遠，曾將奇策佐嫖姚。
賦來詩句無閑語，老去官班未在朝。
身屈祇聞詞客說，家貧多見野僧招。
獨從書閣歸時晚，春水渠邊看柳條。

贈王司馬

白笏朱衫年少時，久登班列會朝儀。
貯財不省關

身用行義唯愁被衆知
藏得寶刀求主帶
調成駿馬乞人騎
未曾相識多聞說
遙望長如玉樹枝

贈賈島

籬落荒涼僮僕飢
樂遊原上住多時
寒驢放飽騎將出
秋卷裝成寄與誰
拄杖傍田尋野菜
封書乞米趁時炊
姓名未上登科記
身屋唯應內史知

贈項斯

端坐吟詩忘忍飢

一作盡日吟
詩坐忍飢

萬人中覓似君稀

門連野水風長到
驢放秋原夜不歸
日暖剝收新落葉
天寒更著舊生衣
曲江亭上頻見為
愛鷗

鷓鴣裏飛

胡山人歸王屋因有贈

轉、無成到白頭人間舉眼盡堪愁此生已是蹉
跎去每事終從齒莽休難作閑官少拘束難逢勝
景可淹留君歸興訪移家處若個峰前最較幽

贈梅處士

早聞聲價滿京城頭白江湖放曠情講易自傳新
註義題詩不看鴈官名近移鳥迹山前往多向牛
頭寺裏行天子如今議封禪應將來帛請先生

贈廣宣師

自到王城得幾年
巴童蜀馬共隨緣
兩朝侍從當時貴
五字聲名遠處傳
因住紅樓通內院
新承墨詔賜齋錢
開房暫喜居相近
還得陪師坐竹邊

大白老人

日觀東峰幽客住
竹中藤帶久逢迎
暗修黃籙無人見
溪種胡麻共犬行
洞裏仙家常獨往
壺中靈藥自為名
春泉四面遶茅屋
日日唯聞杵臼聲

羅道士

城裏無人得實年
衣襟常帶臭黃烟
樓中賒酒唯留藥
洞裏爭棋不賭錢
聞客語聲知貴賤
持花歌

詠似狂顛尋常行處頻逢見世上多疑是謫仙

崑崙兒

崑崙家住海中州蠻客將來漢地遊言語解教秦
吉了波濤初遇鬱林洲金環欲落曾穿耳螺髻長
卷不裹頭自愛肌膚黑如漆行時半脫木棉裘

早朝寄白舍人嚴郎中

鼓聲初動未聞雞羸馬街中踏凍泥燭暗有時衝
石柱雪深無處認沙堤常參班裏人猶少待漏房
前月欲西鳳閣星郎雖去遠閣門開處入還齊

寄白二十二舍人

早知內詔過前輩，踏蹬江南百事疎。
湓浦城中為上佐，爐峰寺後著幽居。
偏依仙法多求藥，長共僧遊不讀書。
三省比來名望重，肯容君去樂樵漁。

寄蘇州白二十二使君

一作楊巨源詩

三朝出入紫微臣，頭白金章未在身。
登第早年同座主，題詩今日是州民。
閣門柳色烟中遠，茂苑鶯聲雨後新。
此處吟詩向山寺，知君忘却曲江春。

書懷寄元郎中

轉覺人間無氣味，常同身外省同緣。
經過獨愛遊山客，計校唯求買藥錢。
重作學官閑盡日，一離江

鳩病多年吟君釣客詞中語便欲南歸榜小船

寄元員外

外郎直罷無餘事掃洒書堂試藥爐門巷不教當
要鬧詩篇轉覺足功夫月明臺上唯僧到夜靜坊
中有酒沽朝省入頻開日少可能同伴舊遊無

寄令狐賓客

勲名盡得國東

一作家

傳退狎琴僧興酒仙還帶郡

符經幾處暫辭台座已三年留司未到龍樓下拜

表長懷玉案前秋日出城伊水好領誰相逐上閑

船

寄王六侍御

漸覺近來筋力少，難堪今日在風塵。
誰能借問功名事，祇自扶持老病身。
貴得藥資將助道，肯嫌家計不如人。
洞庭已置新居宅，歸去期君興作鄰。

書懷寄王秘書

白髮如今欲滿頭，從來百事盡應休。
祇於觸目須防病，不擬將心更養愁。
下藥遠求新熟酒，看山多上最高樓。
賴君同在京華住，每到花時免獨遊。

寄虔州韓使君

南康太守負才豪，五十如今未擁旄。
早得一人知

姓字常聞三事說功勞月明渡口漳江靜雲散城
頭轡石高郡政已成秋思遠閑吟應不問官曹

寄和州劉使君

別離已久猶為郡閑向春風倒酒餅送客時過沙
口店看花多上水心亭曉來江氣連城白雨後山
光滿郭青到此詩情應更遠醉中高詠有誰聽

寄洛陽孫明府

格

久持刑憲聲名遠好是中朝正直臣赤縣上來應
足事青衫老去未離身常思從省連歸馬乍覺同
班少舊人遙愛南橋秋日晚兩邊楊柳映天津

寄陸渾趙明府

與君學省同官處常日相隨說道情新作陸渾山
縣長早知三禮甲科名郭中時有仙人住城內應
多藥草生公事稀疎來客少無妨著屐獨閑行

寄梅處士

授_上人間是與非官閑自覺省心機六行班裏身
常下九列符中事之稀市客慣曾賒賤藥家童驚
見著新衣君今獨得居山樂應笑多時未辦歸

丁籤七十五張籍之七

唐音統籤卷

三百四十二

七言律詩二

蘇州江岸留別樂天

一作白居易詩

銀泥裙映錦障泥
画舸停桡馬簇蹄
清管曲終鸚鵡語
紅旂影動薄寒
話離情翠黛低
莫忘使君吟咏處
女墳湖北武丘

西

贈別王侍御赴任陝州司馬

京城在處閑人少
唯共君行並馬蹄
更和詩篇名最出
對傾蓋酒戶常齊
同趨闕下聽鐘漏
獨向軍

前聞鼓鼙今日春明門外別更無因得到街西

送和番公主

塞上如今無戰塵漢家公主出和親
邑司猶屬宗卿寺冊號還同虜帳人
九姓旗旛先引路一生衣服盡隨身
禮城南望無迴日空見沙蓬水柳春

送令狐尚書赴東都留守

朝廷重寄在關東共說從來選上公
勲業新成大梁鎮恩榮更守洛陽宮
行香暫出天橋上巡禮常過禁殿中
每領群臣拜章慶半間門仗日曛々

送裴相公赴鎮太原

盛德雄名遠近知
功高先乞守藩維
御恩暫遣分龍節
署勅還同在鳳池
天子親臨樓上送
朝官齊出道邊辭
明年塞北清蕃落
應建生祠請立碑

送李僕射赴鎮鳳翔

由來勲業屬英雄
兄弟連榮列位同
先入賊城擒首惡
盡封官庫護元公
旌幢獨繼家聲外
竹帛新添國史中
天子欲收秦隴地
故教移鎮在扶風

送李司空赴鎮襄陽

中外兼推社稷臣
千官齊出拜行塵
再調宮鼎勲庸盛
三受兵符罷命新
商路雪明旗旆遠
楚堤梅

發醉亭春襄陽風景由來好重興江山作主人

送鄭尚書赴廣州

聖朝選將持符節內制宣時百辟聽海北蠻夷來
舞蹈嶺南封管送圖經白鵬飛遼迎官舫紅檣開
常譙客亭此處莫言多瘴癘天邇看取老人星

送白賓客分司東都

赫三聲名三十春高情人獨出埃塵病辭省闥歸
閑處思許宮曹作上賓詩裏難同相得伴酒邊多
見自由身老人也擬休官去便是君家池上人

送楊少尹赴鳳翔

詩名往日動長安首、人家卷裏看西學已行秦
博士南宮新拜漢郎官得錢祇了還書鋪借宅常
時事藥欄今去岐州生計薄移居偏近隴頭寒

送楊少尹赴蒲城

官為本府當身榮因得還鄉任野情自廢田園今
作主每逢耆老不呼名舊遊寺裏僧應識新別橋
邊樹已一作亦成公事况一作多閑詩更好將誰相逐

上山行

送汀州源使君

曾成趙北歸朝計因拜王門最好官為郡暫辭雙

鳳闕全家遠過九龍灘山鄉祇有輪蕉戶水鎮應
多養鴨欄地僻尋常來客少刺桐花發共誰看

送邵州林使君

詞客南行寵命新瀟湘郡入曲江津山幽自足撰
微處俗朴應無爭競入郭外相連排殿閣市中多
半用金銀知君不作家私計遷日還同到日貧

送揚州判官

茅山志作贈
茅山揚州判官

應得烟霞出俗心茆山道士共追尋閑憐鶴貌偏
能畫暗辨桐聲自作琴長嘯每來松下坐新詩堪
向雪中吟征南幕裡多賓客君獨相知最校深

送浙西周判官

由來自是烟霞客早已聞名詩酒間
天闕因將賀表到家鄉新着賜衣還
常吟卷裏相酬句自語湖邊舊住山
吳越主人偏愛重多應不肯放君閑

送侯判官廣州從軍

年少才高求自展將身萬里赴軍門
辟書遠到開呈客公服新成着謝恩
醉舫過江分白堊戍亭當嶺見紅旂
海花蠻草連冬有行處無家不滿園

送韓侍御歸山

聞君久卧在雲間為佐嫖姚未得還
新結茅廬招

隱客獨騎驄馬入溪山九靈洞口行應到五粒松
枝醉亦攀明日珂聲出城去家僮不復掃柴關

送枝江劉明府

老著青衫為楚宰平生志業有誰知家僮隨去愁
行遠縣吏迎來恠到遲定訪玉泉幽院宿應過碧
澗早茶時向南漸上雲山好一路唯聞唱竹枝

送李餘及第後歸蜀

十年人詠好詩章今日成名出舉觴歸去唯將新
詔牒後來爭取舊衣裳山橋曉上蕉花暗水店晴
看芋葉光鄉里親情相見日一時携酒上高堂

送施肩吾東歸

知君本是烟霞客被薦因來城闕間
世業偏臨七里瀨仙遊多在四明山
早聞詩句傳人徧新得科名到處閑
惆悵滿亭相送去雲中琪樹不同攀

送從弟漾赴饒州

京城南去鄱陽遠風月悠々別思勞
三領郡符新寄重再登科第舊名高
去程江上多看候迎吏船中急帶刀
到日更行清靜化春天應不見蓬蒿

送從弟彤東歸

雲水東南兩月程貪歸慶節馬蹄輕
春橋欲醉攀

花別野路閑吟觸雨行詩價已高猶失意禮司曾
賞會成名舊山風月知應好莫過秋時不到京

送從弟徹東歸

緱山領印知公奏才稱同時盡不如奉使賀成登
冊禮陪班看出降恩書回程去在秋塵裡受詔辭
歸曉漏初早晚得為朝署拜閑坊買宅作隣居

送金少卿副使歸新羅

雲島茫茫天半畔一作微向東萬里一帆飛久為侍
子承恩重今佐使臣銜命歸過海便應將國信到
鄉猶自著朝衣從前此去無人數光彩如君定是

稀

送稽亭山寺僧

師住稽亭高處寺斜廊曲閣倚雲開
山門十里松間入泉澗三重洞裏來
名岳尋遊今已徧家城禮謁便應迴
舊房到日閑吟後林下還登說法臺

送胡鍊師歸玉屋

玉陽峰下學長生洞府仙鄉已有名
獨戴熊鬚冠暫出唯將鶴尾扇同行
煉成雲母休炊爨召得雷公常吏兵
却到瑤壇上頭宿應聞空裏步虛聲

哭丘長史

曾見先皇殿上臣丹砂久服不成真常騎馬在嘶
空擬自作書留別故人詩句徧傳天下口朝衣偏
送地中身最悲昨日同遊處看却春風樹一作新

東風處
春

哭元九少府

平生志業獨相知早結雲山老去期初作學官常
共宿晚登朝到暫同時開來各數經過地醉後齊
吟唱和詩今日春風花滿宅入門行哭見靈帷

哭胡十八遇

早得聲名年尚少尋常老氣出風塵文場繼續成

三代家族輝華在一身
幼子見生才滿月
選書知
寫未呈人送君帳下衣裳白
數尺墳頭柏樹新

答白杭州郡樓登望
畫圖見寄

畫得江城登望處
寄來今日到長安
乍驚物色從
詩出更想工人下手難
將展書堂偏覺好
每來朝
客盡求看見君向北
閑吟意肯恨當時作外官

酬浙東元尚書見寄綾素

越地繒紗紋樣新
遠封來寄學曹人
便令裁制為
時服
頓覺光榮上病身
應念此官同棄置
獨能相
賀更殷勤
三千里外無由見
海上東風又一春

謝裴司空寄馬

王介甫以三四句為此馬必驚而善驚者宋弁曰籍為晉

公所厚以詩謝馬豈有此自是介甫所以期籍者淺也

駉耳新駒駿得名司空遠自寄書生乍離華廐移

歸澁初到貧家覺眼驚每被閑人來借問多尋古

寺獨騎行長思歲旦沙隄上得從鳴珂傍火城

五言絕句

涇州塞

行道涇州塞唯聞羗戍聲道邊雙古堠猶記向安

西

野田

羣日野田草日中牛羊道古基無子孫白楊不得

老

劉辰翁
云頓挫

惜花

山中春已晚處日見花稀明日來應盡林間宿不
歸

岼花

可憐岸邊樹紅蕊發青條東風吹渡水衝著木蘭
橈

和韋開州盛山十二首

宿雲亭

清淨當溪處虛明向遠開
卷簾無俗客應只見雲
來

桃塢

春塢桃花發多將野客遊
日西殊未散看望酒缸
頭

梅溪

自愛新梅好行尋一徑斜
不教人掃石恐損落來
花

茶嶺

紫芽連白蕊初向嶺頭生
自看家人摘尋常觸露

行

流杯渠

淙酒白螺杯隨流去復回似知人把處各向面前
來

盤石磴

壘石連空遠層々勢更危不知行幾匝得到上頭
時

竹巖

獨入千竿裏緣岩踏石層笋頭齊欲出更不許人
登

琵琶臺

臺上綠蘿春閑登不待人每當休暇日著履戴綸巾

胡蘆沼

曲沼春流滿新蒲映野鵝閒齋朝飯後拄杖逸行多

隱月岫

月出深峰裏清光夏亦寒每嫌西落疾不得到明看

繡衣石榻

山城無別味，藥菜兼魚果。
時引繡衣人，同來石上坐。

上士泉餅

堦上一眼泉，四邊青楚甃。

楚一作石

唯有護淨僧，添餅

將鹽漱。

西峰僧

獨在西峰頂，年上閑石房。
定中無弟子，人到為焚香。

寄西峰僧

松暗水涓涓，夜涼人未眠。
西峰月猶在，遙憶草堂

前

別于鵠

離燈及晨輝行人起復思出門兩相顧青山路逶迤

送遠客

憔悴遠行客殷勤欲別杯九星壇下路幾日見重來

題暉師影堂

早日欲參禪竟無相識緣道場今獨到惆悵影堂前

丁籤七十五張籍之八

唐音統籤卷

三百四十三

七言絕句

宮詞二首

新鴈初放免初

一作

肥白日君王在內稀薄暮千

門臨欲鎖紅粧飛騎向前歸

黃金桿撥紫檀槽絃索初張調更高盡理昨來新
上曲內宮簾外送櫻桃

涼州詞三首

邊城暮雨雁飛低蘆芽初生漸欲齊無數鈴聲遙
過磧應馱白練到安西

古鎮城門白磧開胡兵往々傍沙堆巡邊使客行
應早每待長安火到來
鳳林關裏水東流白草黃榆六十秋邊將皆承主
恩澤無人解道取涼州

吳楚歌詞

庭前春鳥啄林聲紅夾羅襦縫未成今朝社日停
針線起向朱櫻樹下行豐庄謾錄云今人家閨房遇春秋社日不作組紃謂之思
作

倡女詞

輕髻叢梳潤掃眉為嫌風日下樓稀盡羅金縷難

相稱故著尋常淡薄衣

成都曲

錦江近西州水綠新
兩山頭荔枝熟萬里橋邊多
酒家遊人愛向誰家宿

春隄曲

野塘鷓鴣飛樹頭綠波紫菱蓋碧流
誰家狂客愛雲水日日獨來城下遊

寒塘曲

寒塘沉柳葉疎水暗人語驚棲鳬
舟中少年醉不起持燭照水射遊魚

春別曲

長江春水綠堪染蓮葉出水大如錢江頭橘樹君
自種那不畏長繫木蘭船

離宮怨

高堂別館連湘渚長向春光開萬戶荆王去已不
復來宮中美人自歌舞

楚妃怨

梧桐葉下黃金井橫架轆轤牽素綬美人初起天
未明手拂銀瓶秋水冷

春日早朝

曉陌春寒朝騎來
瑞雲深處見樓臺
夜來新雨沙堤濕
東上閣門應未開

寺宿齋

晚到金光門外寺
中新竹隔簾多
齋宮禁與僧相見
院中開門不得過

感春

遠客悠悠任病身
謝家池上又逢春
明年各自東西去
此地看花別別人

秋思

洛陽城裏見秋風
欲作家書意萬重
重復恐匆匆說

不盡行人臨發又開封

閑遊

老身不計人間事
野寺秋晴每獨過
病眼校來猶斷酒
却嫌行處菊花多

秋山

秋山無雲復無風
溪頭看月出深松
草堂不閉石床靜
葉間墜露聲重重

患眼

三年患眼今羣校
免與風光便隔生
昨日韓家後園裏
看花猶似未分明

與弟張蕭遠雪夜同宿

數卷新遊蜀地詩
長安僻巷得相隨
草堂雪夜携琴宿
說似青城館裏時

同韓侍御南谿夜賞

喜作閑人得出城
南谿兩月逐君行
忽聞新命須歸去
一夜船中語到明

與賈島閑遊

水北原南草色新
雪消風暖不生塵
城中車馬應無數
解得閑行有幾人

逢賈島

僧房逢著款冬花出寺行吟日已斜
十二街中春雪遍馬蹄今去入誰家

喜王六同宿

十八年來恨別離唯同一宿咏新詩
更相借問詩中語共說如今勝舊時

招周居士

閉門秋雨濕牆莎俗客來稀野思多
已掃書齋安藥竈山人作意早經過

逢故人

山東二十餘年別今日相逢在上都
說盡向來無

限事相看摩盡白髭鬚

同韋員外開元觀尋時道士

竹裏初晴竹樹涼
閑行共到最高房
昨來官罷無
生計欲就師求斷穀方

尋徐道士

尋師遠到暉天觀
竹院森森閉藥房
聞入都來經
七日仙童簷下獨焚香

尋仙

谿頭一徑入青崖
處處仙居隔杏花
更見峰西幽
客說雲中猶有兩三家

題渭北寺上人

昔祭郊壇今謁陵寺中高處復來登十餘年後入
多別喜見常時轉讀僧

華清宮

溫泉流入漢離宮、樹行、浴殿空武帝時人今
欲盡青山猶閉御墻中

宮山祠

秋草宮人斜裏墓宮人誰送塋來時千、萬、皆
如此家在城邊亦不知

玉真觀

臺殿曾為貴主家春風吹盡竹窻紗院中仙女修
香火不看閑人入看花

玉山館

長谿新雨色如泥野水陰雲盡向西楚客天南行
漸遠山_上樹裏鷓鴣啼

題楊秘書新居

愛閑不向爭名地宅在家西最靜坊巷裏詩過一
千首白頭新受秘書郎

題玉像堂

玉毫不着世間塵輝相分明十八身入夜無烟燈

更好堂中唯有轉經人

題山寺僧院

終日不離塵土間若為人一作能見此身閑今朝暫
共遊僧語更恨多時別舊山

題僧院

聞師行講青龍疏本寺住來多少年靜掃空房唯
獨坐千莖秋竹在簷前

法雄寺東樓

汾陽舊宅今為寺猶有當時歌舞樓四十年来車
馬絕古槐溪巷暮蟬愁

題方睦上人月臺觀

一身清淨無童子獨坐空堂得幾年
每夜焚香通月觀可憐光影最團圓

弱柏院僧影堂

弱柏倒垂如線蔓簷頭不見有枝柯
影堂香火長相續應得人來禮拜多

同嚴給事聞唐昌觀玉蕊近有仙過
句二首

千枝花裏玉塵飛阿母宮中見亦稀
應共諸仙鬪百草獨來偷折一枝歸

九色雲中紫鳳車
尋仙來到洞仙家
飛輪迴處無踪跡
唯有班班滿地花

華山廟

金天廟下西京道
巫女紛紛走似烟
手把紙錢迎過遣
求恩福到華神前

重陽日至峽道

無限青天一作山行已盡
迴看忽覺遠離家
逢高欲飲重陽酒
山菊今朝未放花

平望驛作

茫茫菰草平如地
渺渺長堤曲似城
日暮未知投

宿處逢人更問向前程

使行望悟真寺

採玉峰連佛寺幽，高上斜對驛門樓。
無端來去騎官馬，寸步教身不得遊。

憶故州

壘石為山伴野夫，自收靈藥讀仙書。
如今身是他州客，每見青山憶舊居。

憶遠

行人猶未有歸期，萬里初程日暮時。
唯愛門前雙柳樹，枝上葉上不相離。

蠻州

一作杜牧詩

瘴水蠻中入洞流人家多住竹棚頭一山海上無
城郭唯見松牌記象州

蠻中

銅柱南邊毒草春行人幾日到金湍玉環穿耳誰
家女自抱琵琶迎海神

顏會金湍交跡地名水經注所謂金湍清湍也今本

作金麒麟誤

和長安郭明府與友人縣中會飲

一罇清酒兩人同好在街西水縣中自恨病身相
去遠此時閑坐對秋風

病中酬元宗簡

東風漸暖滿城春，獨向僧房養病身。
莫說櫻桃花已發，今年不作看花人。

酬朱慶餘

撫言云：籍於後進，深賞慶餘，相贊于時。慶餘近試，日上籍，聞意一篇。

云：粒罷低，時問充婿，画眉深淺，入時無籍，答之是年成名。

越女新粧出鏡心，自知明艷更沈吟。
齊紈未是人間貴，一曲菱歌敵萬金。

答劉明府

身病多時又客居，滿城親舊久相疎。
可憐絳縣劉明府，獨解頻寄遠書。

答劉競

劉君久被時拋擲老向城中作選人昨日街西相
近住每來存問老夫身

同白侍郎杏園贈劉郎中

一去瀟湘頭已白今朝始見杏花春從來遷客應
無數重到花前有幾人

贈主客劉郎中

憶昔君登南省日老夫猶是褐衣身誰知二十餘
年後來作客曹相替人

贈李司議

漢廷誰問投荒客十載天南著白衣秋草茫茫惡
谿路嶺頭還送北人歸

贈姚合

丹鳳城門向晚開千官相次入朝來唯君獨走街
塵土下馬橋邊報直迴

贈施肩吾

世間漸覺無多事雖得空名未著身合取藥成相
待喫不須生作上天人

贈任道人

長安多病無生計藥鋪醫人亂索錢欲得知身

上事憑君為算小行年

贈道士

茅山志作剡溪
遶茅山道士

茆山近別剡谿逢玉節青旄十二重
自說年七上天去羅浮最迤海遶峰

贈華嚴院僧

一身依止荒閑院燭耀窓中有宿烟
徧禮華嚴經裏字不曾行到寺門前

寄白學士

自掌天書見客稀縱因休沐鎖焚扉
幾迴扶病欲相訪知向禁中歸未歸

寄李渤

五度谿頭躑躅紅
嵩陽寺裡講時鐘
春山處處行
應好一月看花到幾峰

寄宋景

詔發官兵取亂臣
將軍弓箭不離身
君今獨在征
東府莫遣功名屬別人

寄徐晦

鄆陂魚美酒偏濃
不出琴齋見雪峰
應勝昨來趨
府日簿書牀上亂重

寄王奉御

愛君紫閣峰前好新作書堂藥竈成見說移居相
近住有田多與種黃精

登樓寄胡家兄弟

獨上西樓盡日閑林烟演漾鳥綿蠻謝家兄弟重
城裏不得同看兩後山

寄朱闕二山人

為箇朝章束此身眼着東路去無因歷陽舊客今
應少轉憶隣家二老人

寄故人

靜曲閑房病客居蟬聲滿樹槿花疎故人祇在藍

田縣強半年來未得書

寄府吏

野外尋花共作期今朝出郭不相隨
待君公事有閑日此地春光應過時

宿天竺寺寄靈隱寺僧

夜向靈谿息此身風泉竹露淨衣塵
月明石上堪同宿那有山南山北人

送梧州王使君

楚江亭上秋風起看發蒼梧太守船
千里同行從此別相逢久隔幾多年

送辛少府往安縣

才多不肯浪容身
老大詩章轉更新
選得天台山
下住一家全作學仙人

送元宗簡

貂帽垂肩窄皂裘
雲深騎馬向西州
暫時相見還
相送却閑閑
門依舊愁

送陸暢

共踏長安街裏塵
吳州一作門獨作未歸身
昔年舊

宅今誰住
君過西堂與問人

送元紹

昔日同遊漳水邊如今重說恨綿綿天涯相見還
離別客路愁風又幾年

送許處士

高情自與俗人疎獨向藍谿僻處居會到白雲長
取醉不能寔下讀閑書

送元八

百神齋祭相隨徧尋水看山亦共行明日城西送
君去舊遊重到獨題名

送蜀客

蜀客南行聽碧雞木綿花發錦江西山橋日晚行

入少時見猩猩樹上啼

送客遊蜀

行盡青山到益州錦城樓下二江流
杜家曾向此中住為到浣花谿水頭

別客

青山歷々水悠悠今日相逢明日秋
繫馬城邊楊柳樹為君沽酒暫淹留

送暉師

九星臺下煎茶別五老峰頭覓寺居
作得新詩旋相寄人來請莫達空書

送律師歸婺州

京中開講已多時
曾作壇頭證戒師
歸到雙溪橋北寺
鄉僧爭就學威儀

送僧往全州

聞道谿陰山水好
師行一一徧經過
事須覓取堪居處
若個谿頭築最多

送蕭遠弟

街北槐花傍馬垂
病身相送出門遲
與君別後秋風夜
作得新詩說向誰

哭丘長史

丘公已歿故人稀欲過街西更訪誰每到子城東
路上憶君相逐入朝時

哭孟郊

曲江院裏題名處十九人

唐進士登科記孟郊乃中書舍人高郵所取第

十六名其年進士十七人博學宏詞二人故詩云十九人
吟不見杏花零落寺門前

鄰婦哭征夫

雙鬟初合便分離萬里征夫不得隨今日軍回身
獨死去時鞍馬別人騎

題故僧影堂

香消雲鎖橋僧家僧剝殘形半壁斜日暮松烟寒
漠漠秋風吹破紙蓮花

劉兵曹贈酒

一餅顏色似秋泉開向新栽小竹前飲罷身中更
無事移床獨就夕陽眠

答元八遺紗帽

黑紗方帽君邊得稱對山前坐竹床唯恐被人偷
樣剪不曾閑戴出書堂

酬藤杖

病裏出門行步遲喜君相贈古藤枝倚來自覺身

生力每向傍人說得時

美人宮碁

紅燭臺前出翠娥
海沙鋪局巧相和
趨行移手巡
收盡數上看誰得最多

和裴僕射看櫻桃花

昨日南園新雨後
櫻桃花發舊枝柯
天門不待人
同看遮樹重履迹多

九華觀看花

街西無數閑遊處
不似九華仙觀中
花裏可憐池
上景幾重牆壁貯春風

唐昌觀看花

新紅舊紫不相宜
看覺從前兩月遲
更向同來詩客道
明年到此莫過時

崔駙馬養鶴

身閑無事稱高情
已有人間章句名
求得鶴來教剪翅
望仙臺下必將行

山禽

山禽毛如白練帶
棲我庭前栗樹枝
獼猴夜半來取栗
一隻中林向月飛

和崔駙馬聞蟬

鳳凰樓下多歡樂不覺秋風暮
雨天應為昨來身
暫病蟬聲得到耳傍邊

答開州韋使君寄車前子

開州午日車前子作藥人皆道
有神慙愧使君憐
病眼二千里外寄閑人

答鄱陽客藥名詩

江臯歲月相逢地黃葉霜前半
下枝子夜吟詩向
松桂心中萬事喜君知

句

韓公國大賢道德赫已聞時出為陽山爾區來超